

BH (Varsiti) 18/12/14 (v6) Inovasi

## Inovasi E-Dashboard UMP diiktiraf

**Putrajaya:** Universiti Malaysia Pahang (UMP) memenangi tempat pertama Anugerah Inovasi Kementerian Pendidikan bagi kategori pengurusan menerusi Sistem Pengurusan Data (E-Dashboard).

Naib Canselor UMP, Prof Datuk Dr Daing Nasir Ibrahim, berkata sistem dibangunkan di Pusat Pembangunan Korporat dan Pengurusan Kualiti itu mampu memperkemas proses pengumpulan dan penganalisan data, maklumat serta bahan bukti sebagai tujuan penyaluran data dan maklumat universiti kepada kementerian.

Katanya, sumber data yang diperoleh akan diekstrak jenis data dan glosari data yang dibekalkan hingga menghasilkan laporan analisis yang berkualiti, sempurna, seragam dan sistematik sejajar kehendak universiti dan pemegang taruh.

Katanya, sistem turut mengambil kira data Pelan Strategik Pengajian Tinggi Negara (PSPTN), Sistem Penilaian Universiti Penyelidikan (MyRA), Sistem Penarafan Institusi Pengajian Tinggi Malaysia (SETARA & D-SETARA) dan Sistem Pengumpulan Data IPTA (MyMoheS) yang diselaraskan dengan Pelan Strategik UMP 2011-2015.



Timbalan Menteri Pendidikan II, P Kamalanathan (tiga dari kanan) melawat ruang pameran penyelidikan UMP bersempena dengan **Majlis Sambutan Hari Inovasi Kementerian Pendidikan** di Dewan Za'aba Putrajaya, baru-baru ini.

"Setiap Petunjuk Prestasi Utama (KPI) yang diwakili dengan data yang dipersembahkan akan menentukan tahap pencapaian dan ketersediaan sesebuah universiti.

**Keperluan universiti**  
"Sistem ini dibangunkan sejak 2011 berdasarkan keperluan universiti dan kementerian untuk mendapatkan data dan maklumat

yang berkualiti, sempurna, tepat dan cepat," katanya ketika ditemui dalam Majlis Sambutan Hari Inovasi Kementerian Pendidikan di Dewan Za'aba Putrajaya,

baru-baru ini.

Prof Daing Nasir mewakili UMP menerima replika cek RM5,000 dan sijil penghargaan yang disampaikan Timbalan Perdana Menteri merangkap Menteri Pendidikan, Tan Sri Muhyiddin Yassin.

Pada majlis yang sama, Universiti Teknologi Malaysia (UTM) dinobatkan pemenang keseluruhan serta meraih tempat pertama Anugerah Inovasi Teknologi Maklumat menerusi Sistem Pengurusan Pengajian Siswazah.

Universiti Sains Malaysia (USM) cawangan Kelantan pula meraih tempat pertama kategori Inovasi Sosial menerusi projek menangani masalah kesukaran membawa alat untuk melakukan ambulasi terhadap pesakit yang terlantar semasa rawatan di rumah dan pusat pemulihan komuniti.